



UNIVERSITÄTS-  
BIBLIOTHEK  
PADERBORN

## **Fasti Mariani**

**Brunner, Andreas**

**Antverpiæ, M.D.C XXX III.**

S. Longinvs M. 15. Martii.

---

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

bulare, sociisque & laborantibus solamen addere, & fatigatis sudorem abstergere illâ manu, quâ, cum lubet, nubes abstergit, & cælum serenat. Certè tanti esse PETRVS credidit VIRGINEM vidisse, ut cum ex ægritudine alterum deinde oculorum amisisset, minimè ægrè hoc ferret, memor, in quali oculo oculum suum abscondisset. Imò gratulatus sibi luscus est, è duobus hostibus (sic enim ille oculos indigitabat) unum saltem amisisse. Lubens igitur etiam alterum beatâ morte clausit. *Ex Petro de Natal.*

## S. LONGINVS M. 15. Martii.

LONGINVM ajunt Centurionem Lejus cohortis fuisse, quæ Servatori, & è cruce pendenti, & tumulo cõdito, custodia causâ fuit addita; Eundem lanceâ latus hausisse sacratissimum, geminosque amoris fontes sanguinis & aquæ nobis dedisse, auctori etiam suo salutare, quippe cujus oculis medicinâ fecisse liquor illapsus memoratur. Id certè nemo negaverit tot miraculorum spectatori mentis oculos apertos esse, & cum facinus jam suum, ac Iudæorum videret, pectus planxisse, & testimoniû divinitatis crucifixo dedisse. Id cum & tunc & in publico post concilio fecisset, odiumque ingens sibi conflasset, Cappadociam gemino cum comite petiit.

petiit. Sed & invidia comes iuit Iudæorum, & missi à Pilato, qui caput LONGINI referrent. In hos dum fortè offendit, ipse cognitos incognitus domo excipit habetque perliberaliter. Postridie LONGINVS LONGINVM prodit, mirante & tesseram hospitii frangere ipso hoste reuente. Sed animos addit LONGINVS, jamque Martyrum purpuram ambiens vestes candidas induit, animamq; cælo, caput Pilato dat ferendū. Hic nobile spoliū in fimetū abiecit. Prodidit tamē iterum se Divus, & , ut sepulchro caput cum filii cadavere conderet, matronam oculis destitutam monuit. Itaque tantum thesaurū reperit cœca. Sed & oculos unā reperit. *Ex Metaphr. & vitâ Christi Germ.*

S. ABRAMIUS ER. 16. Martii.

ABRAMIUS nobili loco natus, ipso festo nuptiarum suarum die, cum domum sponsa ducenda esset, damnato thalamo, & sponsæ & mundo se subducens, in loca sola aufugit. Inde sacris initiatus, efferam gentem longâ patientiâ, & supra quàm credi potest, magno labore Christo subegit. Sub hac Maria neptis ex fratre, quam ille à teneris, moribus optimis ac summâ pietate imbuerat, cum semel lapsa esset, per omnia deinde vitia voluta, ex eremo demum in mundum (hoc est

ex